



Innkalling for Formannskapet i Radøy

Møtedato: 19.10.2017
Møtestad: Kommunestyresalen
Møtetid: 09.00

Saksliste:

Saksnr	Tittel
059/2017	Søknad om forlenging av leigeavtale i Austmarka
060/2017	Bergen og Omland havnevesen (BOH) - etablering av interkommunalt selskap (IKS) for den lovpålagde delen av hamneverksemda
061/2017	Etablering av Vest brann- og redningsregion
062/2017	Tertialmelding januar - august 2017
063/2017	Budsjettregulering
064/2017	Felles løns- og rekneskapskontor for Lindås, Meland og Radøy
065/2017	Plansak 12602016000100 - Kommunedelplan Bø - Planframlegg for vedtak om høyring og offentleg ettersyn
066/2017	Høyring - Investeringprogram for fylkesvegnettet til RTP 2018-2029
067/2017	Meldingar og referatsaker

Den som har lovleg forfall eller er ugild i nokon av sakene må melda i frå til kultur- og sørvistorget så snart som råd, tlf 56 34 90 00. Varamedlemmer møter etter nærare innkalling.

5. januar 2018

Jon Askeland
møteleiar

Arthur Kleiveland
utvalssekretær

Radøy kommune

Saksframlegg

Saknr	Utval	Type	Dato
057/2017	Formannskapet i Radøy	PS	07.09.2017
059/2017	Formannskapet i Radøy	PS	19.10.2017

Sakshandsamar	Arkivsaknr.:	Dokumentnr.:
Einar Færø	17/1658	17/10416

Søknad om forlenging av leigeavtale i Austmarka

Saksopplysingar:

Bakgrunn

Vedkomande gnr 79, bnr 42 Søre Austmarka 81 - Vidareføring av leigeavtale som gjeld leige av friareal i Austmarka.

I samband med salgsoppdrag har meklar på vegne av heimelshavarane av gnr 79, bnr 42 utarbeidd søknad om vidare leige for bruk av friareal i Austmarka. Søknaden er signert av heimelshavarane.

Det vert søkt om fornying av avtalen som første gong vart teikna i 1994 og gjekk ut i 2014. Leigeavtalen vart inngått for 20 år med høve til forlenging. Årleg leigesum vart sett til kr 250,- for dei første 10 åra og kr 300,- for dei siste 10 åra.

Bygningsrådet gjorde i møte 27.04.94, sak 26/94, slikt vedtak:

Bygningsrådet ser på denne saka som ei mindre reguleringsendring og gjer vedtak om at det vert gjeve løyve til å byggja ei bryggje m/ tilkomstveg i friarealet, bustadfelt Austmarka. Bygningsrådet set som vilkår for løyvet, at det omsøkte tiltaket ikkje må hindra eller vanskeleggjera bruken av det øvrige området til friareal. Bygningsrådet rår formannskapet /kommunestyret til at det vert inngått leigeavtale med høve til forlenging. Bygningsrådet har det syn at det bør betalast ei årløeg leige for arealet og rår til ein årleg leigesum på kr 100,-

Rådmannen sitt framlegg til vedtak:

Det vert inngått leigeavtale mellom Radøy kommune og Inge Landsvik, eigar av tomt nr. 3 i Austmarka, i samband med at bygningsrådet har gjeve høve til at Inge Landsvik får byggja bryggje m/ tilkomstveg i friareal ved tomt nr. 3 i Austmarka. Leigeavtalen vert inngått for 20 år med høve til forlenging. Årleg leigesum vert sett til kr 250,- dei første 10 åra og kr 300,- dei siste 10 åra av leigeavtalen. Ordføraren får fullmakt til å skriva under endeleg leigeavtale.

Formannskapet gjorde følgende vedtak:

Formannskapet vedtok samrøystes rådmannen sitt framlegg til vedtak.

Vedtaket om løyve til bygging av kai vart gitt ved vedtak av 01.02.05. I vedtaket er det presisert følgende:

*Det vert vist til avtale mellom Radøy kommune og Inge Landsvik, datert 21.09.1994.
Dersom avtalen ikkje vert forlenga skal kai og flytebryggje fjernast og området ryddast innan 2015.*

Ferdigattest på brygga vart gitt 17.11.06 .

Friarealet det gjeld er brattlendt, og delar av det er berre tilgjengeleg over den aktuelle tomte.


Vurdering

Det aktuelle leigearialet som eigar av gnr 79, bnr 42 no ynskjer å leiga vidare, har status som friområde.

Etter plan- og bygningslova sine bestemmelsar i § 11-7 og § 12-5 er det under hovudformålet grøntstruktur høve til å bruka underformålet friområde. Dette formålet vert brukt for å fastleggja grøne areal til allmenn bruk og opphald.

Kommunen som grunneigar har råderetten over friområdet, men kan ikkje gjera tiltak i område som vil vera i strid med arealbruksformålet.

Illustrasjon tilkomst



Illustrasjon kai



Når det slik som her vert etablert tilkomstveg og bryggje på friområdet er det rimeleg å tru at folk flest vil vegra seg for å gå inn på området.

Leigeavtalen gjekk ut i 2014 og det er her derfor i realiteten ikkje eit spørsmål om å forlenga avtalen, men å vidareføra ei ordning ved å fornya avtalen. Det vil vera rimeleg å spørja om ei vidareføring av avtalen er rett i høve til skjerpa myndigheitskrav og ikkje minst likeprinsippet. Det er lite truleg at etableringar på friområdet i denne skala vil kunne få dei nødvendige godkjenningar i dag. Kommunen vil gjennom ei fornying av avtalen leggja til rette for bruk som er i strid med med planen og på den måten undergrava kommunen si rolle som forvaltar av planverket. Byggjeforbodet i strandsona er i seinare år vesentleg stramma inn, sist i 2009.

Ved ei vidareføring av leigeavtalen vil kommunen også godkjenna privatisering av strandsona. Ein kan heller ikkje utelukka at andre i området også ynskjer tilsvarande løysing og at kommunen set seg sjølv i ein vanskeleg situasjon ved å godkjenna ei vidareføring av avtalen.

Konklusjon

Radøy kommune kan som grunneigar, kombinert med rolla ansvarleg mynde etter plan- og bygningslova, vanskeleg gå inn på ein fornying av avtale som her er omsøkt.

Rådmannen sitt framlegg til vedtak:

Radøy kommune fornyar ikkje leigeavtalen på gnr 79, bnr 42 Søre Austmarka 81. Området må ryddast så langt dette rimeleg lar seg gjera etter nærare avtale og i samråd med teknisk drift.

Formannskapet i Radøy - 057/2017

FS - handsaming:

Formannskapet ønskjer å ta synfaring i det aktuelle området før dei tar stilling til saka.

Ordførar Jon Askeland sette fram følgjande framlegg:

Saka vert utsett. Administrasjonen førebur synfaring i neste møte.

Utsetjingsframlegget vart samrøystes vedteke.

FS - vedtak:

Saka vert utsett. Administrasjonen førebur synfaring i neste møte.

Vedlegg:

20170825092133

Søknad om forlenga leigeavtale - gbnr 7942

Brev frå EiendomsmeglerVest (L)(137123)

Leigeavtale (L)(137124)

Ferdigattest frå 2006 (L)(137125)

Gnr 7942 Tjore NedreLandsvik - Søknad om løyve til tiltak - Brygge mflytekai - Søre Austmarka -
Godkjenning. (L)(202788)

Radøy kommune

Saksframlegg

Saknr	Utval	Type	Dato
060/2017	Formannskapet i Radøy	PS	19.10.2017
	Kommunestyret i Radøy	PS	

Sakshandsamar	Arkivsaknr.:	Dokumentnr.:
	16/2147	17/12100

Bergen og Omland havnevesen (BOH) - etablering av interkommunalt selskap (IKS) for den lovpålagde delen av hamneverksemda

Saksopplysingar:

Bakgrunn

Viser til kommunestyresak 45/16 «Etablering av nytt selskap for hamnesamarbeid i bergensregionen og avvikling av dagens Bergen og omland hamnevesen (BOH)». Saka vart handsama 21.09.16 og det vart gjort følgjande vedtak:

- 1. Radøy kommune godkjenner «Intensjonsavtalen av Bergen og Omland Havnevesen og etablering av nytt regionalt hamnesamarbeid» – datert 17.06.2016.*
- 2. Formannskapet får fullmakt til å stifte det nye hamneselskapet saman med dei øvrige samarbeidskommunane.*
- 3. Formannskapet får fullmakt til å avvikla BOH når eit nytt selskap for den framtidige hamneverksemda er etablert i samsvar med pkt 2.*
- 4. Radøy kommune skyt inn aksjekapital kr 100.000 i det nye hamneselskapet. Kjøp av aksjane skal førast i investeringsrekneskapan, og verdien vert ført i balansen som anleggsmidlar.*
Finansiering ved bruk av disposisjonsfond kr 100.000,-.

Det nye hamneselskapet Bergen og Omland Hamn AS (BOH AS) vart stifta 04.11.2016 i samsvar med vedteken intensjonsavtale. På stiftingsmøtet vart eigarkommunane informert om behovet for ei avklaring av delegasjon av mynde, bl.a. dei lovpålagte oppgåvene etter hamne- og farvasslova § 10. Slikt mynde er i dag delegert frå deltakarkommunane til Bergen og Omland Havnevesen (BOH).

I november 2016 vart det sendt ein førespurnad til Samferdselsdepartementet om mulegheita for at alle dei lovpålagte oppgåvene kan overførast til BOH AS. Samferdselsdepartementet meiner at den delen av hamneverksemda som gjeld utøving av offentleg mynde ikkje kan delegerast til private. Sjølv om BOH AS ifølgje vedtektene berre kan eigast av kommunar, ser departementet selskapet i utgangspunktet som ein privat aktør.

Problemstillinga vart drøfta på eigarmøte i BOH og BOH AS (24. mars 2017). For å sikra at prosessen knytt til den nye hamnemodellen i regionen ikkje skal verta ytterlegare forsinka, vart det fremja ei alternativ løysing. Denne løysinga inneber at det i staden vert oppretta eit interkommunalt selskap (IKS), med direkte eigarskap under dei kommunane som er med i BOH AS, dvs ikkje som eit dotterselskap av BOH AS. Departementet kan akseptera delegasjon av den enkelte kommune sitt mynde til eit felles eigd IKS, for å ivareta den lovpålagde utøvinga av mynde i hamnesamarbeidet.

Skisse til IKS-modell

Ei IKS-løysing for å ivareta eigarkommunane i BOH AS sine myndighetsoppgåver etter hamne- og farvasslova § 10, kan etablerast med tilsvarande eigarbrøk og innflytelse i styrande organ som for BOH AS. I det nemnde eigarmøtet i mars 2017 vart det presentert eit forslag til stifting og finansiering av Bergen og Omland Havn IKS (BOH IKS), jf. følgjande hovudpunkt:

- *Bergen og Omland Havn IKS ("BOH IKS") blir stifta med MNOK 10 i eigenkapital. Eigenkapitalen BOH AS blir sett ned til MNOK 540.*
- *Eigarskap for deltakarkommunane i eit IKS har same forhold som i BOH AS.*
- *Ingen ekstra økonomisk belastning for deltakarkommunane.*
- *Det er begrensa risiko for deltakarkommunane ettersom BOH IKS berre ivaretar kommunane si utøving av mynde til sjølvkost.*
- *BOH IKS skal ikkje drive kommersiell verksemd, berre ha til formål å ivareta kommunane si lovpålagte utøving av mynde.*

I ettertid har leiinga i dagens BOH kome med eit innspel om at det neppe er behov for 10 mill. kroner i eigenkapital ved etableringa av det nye selskapet, og at det er tilstrekkeleg med ein eigenkapital på 5 mill. Denne tilrådinga frå BOH er lagt til grunn ved det vidare arbeidet knytt til etableringa av BOH IKS.

Nærare om selskapskapital, eigardel, ansvar og styrande organar

Eigardel og ansvar

Det vert lagt opp til at eigardel og innflytelse i styrande organ i BOH IKS skal vera analogt til tilsvarande samansetning i BOH AS. Det vert ingen ekstra økonomisk belastning for deltakarkommunane ved IKS-etableringa. Eigenkapital på kr 5 mill blir finansiert ved at eigenkapitalen i BOH AS blir redusert frå MNOK 550 til MNOK 545.

Tabellen under viser omforeint forslag til fordeling av dei respektive deltakarkommunane sine prosentvise eigardelar, og tilsvarande ansvar som den enkelte deltakar heftar uavgrensa når det gjeld selskapet sine forpliktingar i det planlagte BOH IKS. Denne fordelinga er identisk lik med eigarfordelinga i BOH AS.

Kommune/deltaker	Innskudd NOK	Prosentvis eierandel i Selskapet	Prosentvis fordeling av ansvar
Askøy	0	5	5
Austrheim	0	1	1
Bergen	5 000 000	50	50
Fedje	0	1	1

Fjell	0	11	11
Lindås	0	16	16
Meland	0	1	1
Os	0	5	5
Radøy	0	1	1
Sund	0	1	1
Øygarden	0	8	8
SUM	5 000 000	100	100

Representantskapet

Alle deltakar-kommunane skal kvar velja eitt medlem, og samt eitt varamedlem til representantskapet i BOH IKS, og representantskapet skal ha møte minst ein gong i året. Stemmeretten følgjer dei enkelte deltakar-kommunane sin prosentvise eigardel i selskapet, og avgjerdene vert normalt gjort med alminneleg fleirtal av stemmene som er representert. Ettersom det er eigarane av A-aksjane i BOH AS som har rett til å velja møteleiar på generalforsamlinga, er det naturleg at det er omlandskommunane som også skal ha rett til å velja leiar til representantskapet i BOH IKS.

Styret

Selskapet skal ha åtte deltakarvalde styremedlemmer som følgjer kommuneval-perioden. Det er eit mål at styret i BOH IKS skal ha same samansetting som BOH AS.

Av dei åtte styremedlemmene skal Bergen kommune, med ein eigardel på 50 %, ha rett til å utpeika fire styremedlemmer, inkludert leiar i styret. Dei fire resterande styremedlemmene vert fordelt mellom dei andre deltakarkommunane. Kommunane Fjell, Lindås og Øygarden skal ha rett til å utpeika kvar sitt styremedlem, medan kommunane Askøy, Austrheim, Fedje, Meland, Radøy, Os og Sund har rett til å utpeika eitt styremedlem i fellesskap. Dette forslaget til fordeling av styremedlemmer i BOH IKS er identisk med fordelinga som er gjennomført for BOH AS.

Delegering av lovpålagte forvaltningsoppgåver til BOH IKS

Ved stiftinga av BOH IKS vil dei lovpålagte forvaltningsoppgåvene samtidig bli delegert frå deltakar-kommunane til BOH IKS. Det vert lagt opp til at selskapet ikkje skal ha eigne tilsette, og at det vil bli inngått ein tenestekjøpsavtale mellom BOH IKS og BOH AS for ivaretaking av kommunane si lovpålagte utøving av mynde.

Vidare prosess for etablering av BOH IKS

Det vidare arbeidet med etableringa av BOH IKS og implementering av den nye hamnemodellen i Bergensregionen kan samanfattast som følgjer:

- Vedtak om oppretting av BOH IKS i den enkelte deltakarkommune
- BOH IKS vert stifta
- Oppgåvene vert delegert til BOH IKS når selskapet er etablert
- Tilsette og driftsmidlar vert verande i dagens BOH inntil dei vert overført til BOH AS
- BOH IKS kjøper tenester av BOH/BOH AS for å utøva lovpålagte oppgåver.
- Hamne- og farvasslova og IKS-lova er begge under revisjon. Modellen med IKS for utføringa av dei lovpålagte oppgåvene vert endra til AS dersom dei komande lovendringar opnar for dette.

Stiftinga av BOH IKS vil bli gjennomført med bakgrunn i ovannemnte utkast til stiftingsdokument og

selskapsavtale. Straks etter stiftingsmøtet vil det bli halde eit konstituerande representantskapsmøte der bl.a. styret for BOH IKS blir formelt valt. Styret vil, saman med den daglege leiinga i selskapet, jf. den nemnde tenestekjøpsavtale, få hovudansvaret for det vidare arbeidet med å få gjennomført dei formelle og praktiske oppgåvene knytt til etablering av BOH IKS.

Vurdering

Ettersom Samferdselsdepartementet har gitt tilbakemelding om at offentlig mynde ikkje kan delegerast til aksjeselskap, finn rådmannen det fornuftig at det blir oppretta eit IKS som kan ivareta Lindås kommune si utøving av mynde etter hamne- og farvasslova. Dette sikrar at intensjonane i dagens hamne- og farvasslov blir følgt, samtidig med at ein på ein god måte, gjennom ein tenestekjøpsavtale, knyttar til seg kompetansen og kapasiteten som finst i dagens BOH. Dette er også eit viktig grep for å få på plass endeleg oppstart av BOH AS.

Modell med eit IKS synes også å vera fleksibelt med omsyn til ei framtidig tilpassing til eventuelle endringar i hamne- og farvasslova og IKS-lova. Begge desse lovområda er for tida under revisjon. Dersom det seinare vert opna for at oppgåvene knytt til utøving av mynde i tilknytning til hamne- og farvassforvaltninga kan delegerast til BOH AS, vil det vera relativt ukomplisert å avvikla BOH IKS, og i staden delegera til BOH AS, evt. eit dotterselskap til å ivareta kommunen sine lovpålagte utøving av mynde.

Ei etablering av BOH IKS vil ikkje ha økonomiske konsekvensar for Radøy kommune. Rådmannen rår til at Lindås kommune godkjenner at BOH IKS blir etablert.

Rådmannen sitt framlegg til vedtak:

1. Radøy kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndighetsoppgåver, jf. hamne- og farvassloven § 10, saman med dei andre kommunane i hamnesamarbeidet i dagens BOH og BOH AS
2. Ordføraren får fullmakt til å stifte det nye hamneselskapet saman med dei øvrige samarbeids-kommunane. Dette i samsvar med vedlagte stiftingsdokument og selskapsavtale for BOH IKS, samt andre retningsliner som kjem fram av saka, som fastsetting av endeleg opningsbalanse, gjennomføra kapitalinnskot og halda konstituerande representantskapsmøte med val av styre og revisor.
Det vidare arbeidet med gjennomføringa av selskapsetableringa og overføringa av kapital/verdiar, blir ivaretatt av styret og den daglege leiinga i det nye selskapet, jf. tenestekjøpsavtale med BOH AS.
3. I medhald av kommunelova kap. 5 (interkommunalt samarbeid) og hamne- og farvasslova av 17.04.2009 nr. 19 § 10, vert Radøy kommune sitt mynde etter hamne- og farvasslova delegert til BOH IKS.
Kommunestyret forutset at delegasjonen av mynde til BOH IKS ikkje innskrenkar Radøy kommune sitt høve til å setja i verk tiltak for å verna innbyggjarane si helse når helsevern-styremaktene tilrår dette.
4. Frå Radøy kommune blir følgjande valde som medlem og varamedlem til

representantskapet
Medlem:
Varamedlem:

i

BOH

IKS:

Vedlegg:

Selskapsavtale for Bergen og Omland Havn IKS

Stiftelsesdokument for Bergen og Omland Havn IKS

BOH - brev til Samferdselsdepartementet fra WR 23.11.2016

BOH - brev fra Samferdselsdepartementet 20.12.2016 med følgebrav fra WR

Etablering av nytt selskap for hamnesamarbeid i bergensregionen og avvikling a (L)(102741)

Radøy kommune

Saksframlegg

Saknr	Utval	Type	Dato
061/2017	Formannskapet i Radøy	PS	19.10.2017
	Kommunestyret i Radøy	PS	

Sakshandsamar	Arkivsaknr.:	Dokumentnr.:
	16/185	17/6617

Etablering av Vest brann- og redningsregion

Saksopplysingar:

Bakgrunn

Bergensalliansen er ein politisk møteplass for 22 kommunar i Hordaland og har som formål å styrke konkurranseevna til Bergensregionen og setje felles utfordringar og høve til utvikling i den funksjonelle byregionen på dagsorden. Bergensalliansen skal også søkje samarbeid mellom aktørane i regionen i strategisk viktige saker for byregionen, og vere den viktigaste møteplassen for den politiske leiinga i regionen.

Bergensalliansen har gjennom fleire år sett på dei utfordringane og risikobiletet som brann- og redningstenestene i regionen vår møter. Alliansen gjennomførte difor ei eiga risikokartlegging for kommunane i Bergensalliansen vinteren 2013, som vart presentert for medlemmene i Bergensalliansen i mars 2014. Kartlegginga viste fram utfordringane vi har i regionen. Ho førte til ein eigen brann- og redningskonferanse i juni 2014 for alle dei politiske og administrative leiarane i Hordaland.

For å følgje opp konferansen gjennomførte Bergensalliansen ein studie av tenkjelege utvegjar, saman med alle kommunane i Hordaland hausten 2014 og våren 2015, som drøfta eit mogleg samarbeid mellom sjølvstendige brann- og redningstenester i regionen vår.

Rapporten frå studien tilrådde, basert på ei kvalitativ vurdering av kriteria som blei lagt til grunn for studien, at det vert skipa eit samarbeid mellom sjølvstendige brann- og redningstenester frå kommunane med eit felles styre for samarbeidet, at det vert skipa eit sekretariat som skal samordne og følgje opp samarbeidet og at ein brukar vertskommune for oppgåver som samarbeidssekretariatet skal ta hand om.

Bergensalliansen valde difor å ta tilrådinga frå studien om å etablere ein samarbeidsmodell, og utarbeide eit forslag til eit felles saksframlegg som kan handsamast i kommunestyra i løpet av 2017.

Til å utarbeide eit felles grunnlag for avgjerd, som skal sendast til dei enkelte kommunane for politisk handsaming, sette Bergensalliansen i 2016 ned eit prosjekt. Dette prosjektet skulle arbeide fram eit forslag til korleis brann- og redningstenesta kunne organiserast gjennom eit samarbeid mellom

sjølvstendige brannvesen i regionen.

Alliansen spurde Bergen kommune, ved Bergen brannvesen, om å vere kommunen som kunne gjennomføre prosjektet. Det blei utarbeidd ei skildring av prosjektet og gitt eit mandat for arbeidet.

Rapporten med tilrådingar vart overlevert Bergensalliansen oktober 2016. Rapporten blei drøfta i møte i januar 2017. Her vart det tilrådd å sende rapport til politisk handsaming i kvar av kommunane.

Regjeringa har gitt prosjektet og etableringa av samarbeidet status som nasjonal pilot.

Saksutgreiing

Bergensalliansen tilrår at det vert etablert eit regionalt samarbeid mellom sjølvstendige brannvesen for å tryggje eit samla fagmiljø med høg kompetanse, effektiv leiing, fleksibilitet, spesialistmiljø og for å halde oppe naudsynt lokal beredskapskapasitet.

Tilrådinga inneber at det vert skipa formelle og strukturerte nettverk for å dele kunnskap og utveksle røynsler. I hovudsak er framlegget basert på å hente ut faglege synergjar gjennom å samhandle betre, ha felles system og få til ei tenleg fordeling av oppgåver.

Dei større fagmiljøa må vere rause overfor dei mindre kommunane som har mindre kapasitet og ressursar. Det medfører at dei største fagmiljøa må yte meir kompetanse og ressursar enn dei mindre kommunane.

Gjennom det regionale brannsamrådet skal kommunane få tilgang til spesialtenester og spisskompetanse innan alle relevante fagområde. Dette inneber også tilgang til fagsystem, prosedyrar, faglege nettverk og kvalitetsstandardar.

Det regionale brannsamrådet er foreslått regulert gjennom eit felles overordna plandokument basert på risikobiletet i regionen og som byggjer bru mellom brannordningane i den enkelte kommune. Dette vil gje ei tydeleg og føreseieleg skildring av samvirket mellom lokale kapasitetar og regionale forsterkningsressursar. Det regionale planverket vil vere felles operative handlingsplan for kommunane som kvitterer ut risiko definert i m.a. overordna ROS-analysar og i fylkes-ROS.

Samarbeidet vil omfatte følgjande fagområde:

1. Brannførebyggjande arbeid

Å førebygge brannar og ulukker er den viktigaste oppgåva til alle brannvesen. Den nye forskrifta om brannførebygging stiller krav om eit meir målretta og allsidig brannførebyggjande arbeid. Til forskjell frå tidlegare, må kommunane no ta eit større ansvar for å gjennomføre risikovurderingar, fastsette satsingsområde basert på risiko og gjennomføre tiltak i samsvar med dei etablerte planane.

Tilsyn er framleis eit viktig verkemiddel, men det skal ha ei risikobasert tilnærming. Forskrifta gir også kommunane høve til å gjennomføre andre brannførebyggjande aktivitetar med utgangspunkt i lokalt risikobilete. Det føreset at kommunane etablerer ein systematikk som gjer det mogleg å evaluere eige førebyggjande arbeid. Føremålet med dette er å lære og å sikre kontinuerleg betring.

2. Brann- og redningsberedskap

Å dimensjonere brann- og redningsberedskapen og den operative handteringsevna er vanskeleg. I tillegg vil delar av denne beredskapen vere retta mot hendingar som sjeldan skjer. Difor er det viktig for regionen at kommunane samarbeider om disse oppgåvene. I dette ligg det ei erkjening av at ikkje alle kan oppretthalde kompetansen for alle typar hendingar, og at spesialistmiljøa utviklar seg best vidare gjennom praktisk erfaring. Beredskapsløysingar på tvers av kommunegrensar vil i slike tilfelle vere svært føremålstenlege.

Det viktigaste motivet for å etablere ein oversiktleg og systematisk beredskapsstruktur som omfattar fleire kommunar, er trongen for å gjere kvart einskild innsatslag best mogeleg i stand til å løyse oppgåvene dei er dimensjonerte for å kunne handtere. Samvirket mellom lokale kapasitetar og sentrale eller regionale spesialgrupper skal sikre optimal slagkraft allereie ved førsteinnsatsen, samstundes som tilgangen til støtte- og forsterkningsressursar blir føreseielege. På same måte vil felles system for prosedyrar, kompetanseutvikling, øvingar, innkjøp o.l. gi ei standardisert fagleg utvikling i alle dei involverte kommunane.

3. Naudmeldingsteneste - 110-sentral

110-sentralen i Hordaland omfattar i dag 28 kommunar i Hordaland og to kommunar i Sogn og Fjordane. Sentralen mottar meldingar om brannar, ulykker og akutt forureining og sørgjer for effektiv varsling av næraste brann- og redningsressurs. Operatørane ved 110-sentralen har også ei viktig oppgåve med å støtte lokal brannsjef / innsatsleder når hendingar skal handterast.

Å være tilknytt ein 110-sentral er ei lovfesta plikt. Dersom ein eller fleire kommunar ikkje ønskjer å være en del av det totale samarbeidet, vil Vest brann- og redningsregion ivareta dette vilkåret gjennom å selje denne tenesta til aktuelle kommunar.

4. Interkommunalt utval mot akutt forureining - IUA

IUA Bergen region består i dag av 23 kommunar i Hordaland og tre kommunar i Sogn og Fjordane. Utvalet har som oppgåve å etablere system og beredskap for å kunne aksjonere ved akutte forureiningar som anten gjeld fleire kommunar eller har eit omfang utover det den enkelte kommune er dimensjonert for å kunne handtere.

Den statlege forureiningsstyremakta har pålagt kommunane i landet om å samarbeide om beredskap mot akutt forureining gjennom IUA-strukturen. Dersom ein eller fleire kommunar ikkje ønskjer å være en del av det totale samarbeidet, vil Vest brann- og redningsregion ivareta dette vilkåret gjennom sal av beredskapen til aktuelle kommunar.

Vest brann- og redningsregion

Basert på dei formelle føringane og faglege rammene som vert stilte til brann- og redningstenesta, naudmeldingstenesta og den akutte beredskapen mot forureiningar, tilrådingar frå rapportar og utgreiingar, samt faglege vurderingar gjort av eigne arbeidsgrupper, fremjar Bergensalliansen forslag til ein heilskapleg samarbeidsmodell for dei sjølvstendige brann- og redningstenestene i bergensregionen gjennom etablering av Vest brann og redningsregion.

Vest brann- og redningsregion skal ikkje være arbeidsgjevar, men skal basere den faglege utviklinga på personell tilknytt det enkelte brannvesen.

Organisering

Det enkelte kommunestyre

Det enkelte kommunestyre fattar avgjerd om å melde seg inn og ut av brannsamarbeidet. På same

måte godkjenner det øvste avgjerdsorganet i kommunen vedtektene for eit slikt samarbeid. I tråd med vedtektene, skal også kommunestyret utnemne representantar til årsmøtet i samarbeidet.

Årsmøtet

Årsmøtet – samansett av representantar frå kommunestyra i deltakarkommunane – er det øvste avgjerdsorganet i samarbeidet og skal sjå til interessene til deltakarkommunane, setje saman styret og velje styreleiar.

Styret

Styret – samansett av rådmenn, kommunalsjefar e.l. – skal sjå til at Vest brann- og redningsregion er i stand til å løyse oppgåvene etter føremålet i vedtektene gjennom å ha eit overordna ansvar for planlegging, gjennomføring og rapportering.

Administrasjonskommune

Bergen kommune er foreslått som administrasjonskommune. Administrasjonskommunen skal stå for dagleg leing og drift av Vest brann- og redningsregion og stille kontorfasilitetar til disposisjon for sekretariatet.

Leiar for Vest brann- og redningsregion

Brannsjefen i administrasjonskommunen er foreslått som leiar for Vest brann- og redningsregion. Leiar rapporterer til styret, har ansvar for sekretariatet og at aktiviteten utviklast i tråd med lovverk, vedtekter og fastsette rutinar. Vidare har leiar budsjett- og resultatansvar for den totale aktiviteten i samarbeidet.

Fagutval

Fagutvala – brannsjefar og/eller avdelingsleiarar i brann- og redningstenesta – er det faglege kontaktorganet for leiaren og skal vere med på å koordinere det faglege arbeidet i regionen. Fagutvala skal også kunne bidra med å greie ut og førebu saker som skal handsamast av styret.

Sekretariatet

Sekretariatet skal yte administrativ støtte til samarbeidet, samt koordinere faglege nettverk og arenaer for kunnskapsdeling. Sekretariatet skal også være møtesekretær for årsmøtet og styret, handsame og førebu saker til desse organa.

Økonomiske konsekvensar

Vest brann- og redningsregion skal ikkje erstatte dagens lokale brann- og redningsteneste, men vere eit samarbeid mellom sjølvstendige brannvesen. Forslaget inneber difor ikkje overdraging av verksemd. Vest brann- og redningsregion er vidare ikkje eit eige rettssubjekt.

Vest brann- og redningsregion vert foreslått oppretta i medhald av følgjande lover:

- Lov av 25. september 1992 om kommunar og fylkeskommunar (kommuneloven) § 27,
- Lov av 14. juni 2002 om vern mot brann, eksplosjon og ulykker med farlig stoff og om brannvesenets redningsoppgåver (brann- og eksplosjonsvernlova) §§ 15 og 16
- Lov av 13. mars 1981 om forureiningar og om avfall (forureiningsloven) §§ 43 og 44

Rapporten tilrår at brannsamarbeidet blir finansiert av deltakarkommunane etter desse prinsippa:

1. Eit grunntilskot som skal vere ein viss del av det samla budsjett for komande driftsåret.
2. I tillegg til grunntilskotet skal deltakarkommunane betale eit tilskot per innbyggjar som

- samla skal utgjøre den resterande delen av samla budsjett for komande driftsåret.
3. Budsjett for komande driftsåret vert fastsett av årsmøtet med omsyn til aktiviteten som vert vedtatt for driftsåret.

Totalt representerer brannsam arbeidet ein meirkostnad på om lag fem millionar kroner, der 80 % er øymerka til utvikling av spesialtenester for regionen, materiell og fellessystem. Dei resterande 20 % vil i hovudsak bli nytta til koordinering av fagmiljø og uthenting av synergjar mellom desse.

Vedtekter

Vedtektene frå rapporten, er etter mottatt høyringsinnspel til Bergensalliansen, blitt justerte etter møte den 27. januar 2017. Følgjande er endra etter det opphavlege forslaget frå rapporten:

- For § 7 Årsmøtet

Dei to første setningane i siste avsnitt er byta ut med følgjande: «Én representant fra hver arbeidstakerorganisasjon tilknyttet brann- og redningstjenesten har møte- og talerett uten forslagsrett på årsmøtene. Ved lukkede møter skal arbeidstakerorganisasjonenes møte- og talerett vurderes særskilt»

- For § 9 Styret

Første setning i tredje avsnitt er byta ut med følgjande: «Årsmøtet velger styremedlemmene og deres vararepresentanter blant rådmenn, kommunaldirektører, kommunalsjefer eller andre på tilsvarende nivå i deltakerkommunene.»

- For § 9 Styret - styrets oppgaver, pkt. c.

Ny tekst som erstatter pkt. c under styrets oppgaver «Påse at det til enhver tid foreligger et felles overordnet plandokument som bygger bro mellom brannordningene i kommunene, samt fordele spesialfunksjoner og –oppgaver»

- For § 9 Styret

Dei to første setningane i siste avsnitt er byta ut med følgjande: Én representant fra hver arbeidstakerorganisasjon tilknyttet brann- og redningstjenesten har møte- og talerett uten forslagsrett på styremøtene. Ved lukkede møter skal arbeidstakerorganisasjonenes møte- og talerett vurderes særskilt»

- For § 13 Fagutval

- Mindretalsmerknad frå Fagforbundet, 16. september 2016
- Innspel frå Fylkesmannen i Hordaland, 3. januar 2017
- Innspel frå Regionrådet i Nordhordland til møtet 11. januar 2017
- Innspel frå NITO, 17. januar 2017
- Innspel frå Statens strålevern, 24. januar 2017
- Innspel frå Fagforbundet, 20. januar 2017 • Innspel frå Kystverket, 20. januar 2017
- Innspel frå Direktoratet for samfunnssikkerhet og beredskap, 26. januar 2017

Nytt avsnitt lagt til «Fagutvala sine medlemmer skal velgest blant brannsjefer og avdelingsledere frå brann- og redningstjenestene i deltakarkommunane.»

Forslag til oppdaterte vedtekter for samarbeidet følgjer som vedlegg 1.

Prosess

Bergensalliansen forstår at det å etablere Vest brann- og redningsregion er krevjande fordi ulike kulturar og system skal samkøyrast. Ei trinnvis utvikling, basert på god involvering av tilsette og fagmiljø, er difor avgjerande for å lukkast.

Tilrådinga er basert på ein omfattande dokumentasjon som går fram av rapporten «En tryggare kvardag». Denne er utarbeidd av eit samla fagmiljø i regionen og vert lagt til grunn for den trinnvise utviklinga som er tilrådd. Rapporten følgjer som vedlegg 2.

Arbeidet med rapporten og grunnlaget for tilrådinga frå Bergensalliansen har vore leia av ei styringsgruppe samansett av Terje Søviknes – ordførar i Os kommune, Harald Schjelderup – byrådsleiar i Bergen kommune, Kari-Anne Landro – ordførar i Sund kommune, Hans-Erik Ringkjøb – ordførar i Voss kommune og Øyvind H. Oddekalv – ordførar i Meland kommune.

Innstillinga frå styringsgruppa har vore på høyring. Det er gjennomført to innspelsmøte, eitt med rådmennene i regionen og eitt med fagforeiningane som organiserer dei tilsette i brann- og redningstenesta.

Bergensalliansen tok i mot følgjande skriftlege innspel:

- Mindretalsmerknad frå Fagforbundet, 16. september 2016
- Innspel frå Fylkesmannen i Hordaland, 3. januar 2017
- Innspel frå Regionrådet i Nordhordland til møtet 11. januar 2017
- Innspel frå NITO, 17. januar 2017
- Innspel frå Statens strålevern, 24. januar 2017
- Innspel frå Fagforbundet, 20. januar 2017 • Innspel frå Kystverket, 20. januar 2017
- Innspel frå Direktoratet for samfunnssikkerhet og beredskap, 26. januar 2017

Høyringsinnspela med merknadar til rapporten er lagt ved som vedlegg 3. Kommenterarar frå sekretariatet til Bergensalliansen til høyringsinnspela som er mottatt er lagt ved som vedlegg 4.

Frå møtet med rådmennene i deltakarkommunane vart det sett ned ei eiga rådmannsgruppe som skulle kome med innspel til saksframlegget. Gruppa har mellom anna diskutert trongen for ein samarbeidsavtale, i tillegg til vedtektene, som skulle følgje saksframlegget.

Gruppa vart delt i synet på om dette skulle utarbeidast. Styringsgruppa for brannsam arbeidet til Bergensalliansen har difor vald å ikkje utarbeide ein eigen samarbeidsavtale. Difor vert det foreslått å vurdere etter eitt års drift om det er trong for ytterlegare detaljering av samarbeidet gjennom ein samarbeidsavtale.

For å sikre at dei økonomiske konsekvensane for samarbeidet er føreseielege, har rådmannsgruppa også gitt tilslutnad til at det kan setjast inn eit forslag til felles vedtakspunkt som avgjer budsjettet dei første tre åra. Forslaget seier at det i det første året vert lagt til grunn at budsjettet skal vere på fem millionar kroner, og at dei neste to driftsåra berre justerast for løns- og prisvekst.

Handsaming i Regionrådet og inn mot Bergensalliansen

Brannsam arbeidet er handsama i Regionrådet i to møter. Første gang i sak 76/16 i møte 9/16. Her vart det gjort følgjande vedtak:

«Regionrådet set ned ei arbeidsgruppe som vurderer nærare kva som må bli avklart / bli tydelegare i rapporten, og at dette vert tatt opp med Bergensalliansen. Arbeidsgruppa vert bestående av Karl Johannes Romarheim, Øyvind Oddekalv, Hallvard Oppedal, Reidun Halland, Ørjan Raknes Fortun og NUI.»

Administrativt kalla Bergensalliansen inn til møte med rådmenn frå heile fylket 11. januar. Arbeidsgruppa ovanfor hadde eit førebauende møte 6. januar for å førebu innspel.

Ein del av oppsummeringa frå møtet med rådmenna i fylket var:

«Et av forslagene var å samle noen av dere til en arbeidsgruppe, som skal bistå sekretariatet til Bergensalliansen med å utarbeide et forslag til en samarbeidsavtale som skal følge forslag til saksfremlegg med vedtekter. Flere mente at det var fornuftig med en samarbeidsavtale som regulerer samarbeidet mer i detalj, og som er enda tydeligere på hva samarbeidet skal handle om, enn det vedtektene alene klarer å formidle. Jeg er enig i dette, og vi må nå bruke den tiden vi trenger for at invitasjonen vi skal sende ut gir dere det beste beslutningsgrunnlag til å bygge en sak på.»

Følgende rådmenn er foreslått til å bistå sekretariatet med å utarbeide et forslag til en samarbeidsavtale:

*Rådmann Ørjan Raknes Forthun fra Lindås kommune
Rådmann Steinar Dalland fra Tysnes kommune
Rådmann Steinar Nesse fra Fjell kommune
Kommunalsjef tekniske tjenester Torbjørg Austrud fra Voss kommune
Kommunaldirektør Robert Rastad fra Bergen kommune*

Secretariatet vil utarbeide et grunnlag og utkast til en samarbeidsavtale som utgangspunkt for diskusjon i gruppen. Forslaget som blir utarbeidet vil dere få anledning til å kommentere.»

Arbeidet med denne samarbeidsavtalen kom aldri i gang. Konklusjonen frå Bergensalliansen si side var at arbeidet med ein samarbeidsavtale ville bli for krevjande i forkant av samarbeidet, men at det er noko ein kan kome tilbake til når samarbeidet er starta opp.

Dette er ein beklageleg konklusjon då vedtektene verken er eller skal vere detaljert nok i skildringa av innhaldet i samarbeidet. Vedtektene skal først og fremst klargjere dei formelle rammene rundt samarbeidet.

Det har likevel skjedd endringar i vedtektene på bakgrunn av innspela som kom frå fleire instansar i 2016 og i møte den 10. januar 2017. Desse endringane vart handsama i prosjektgruppa i Bergensalliansen 27. januar og er skildra under «Vedtekter» ovanfor. I tillegg er det kome eit nytt vedtakspunkt 6. Dette avgrensar omfanget av samarbeidet dei tre første driftsåra.

Endringane knytt til styre og fagutval gjev både betre styring av samarbeidet og betre involvering av tillitsvalde. Den økonomiske avgrensinga er nødvendig inntil samarbeidet blir evaluert første gang og ein har eit betre grunnlag for å sei noko konkret om vidare utvikling av samarbeidet gjennom ein samarbeidsavtale.

Den 27. juni vart det kalla inn til møte i arbeidsgruppa nedsett av Regionrådet. Sidan det ikkje var utarbeida noko samarbeidsavtale var det forslaget til felles saksutgreiing som var tema for møtet. Arbeidsgruppa var einige om å melda saka opp til første møte i Regionrådet for om mogleg få til ei felles innstilling frå kommunane i Nordhordland. Det var mogleg med tre tilrådingar. Positiv, negativ eller positiv med nokre atterhald.

Saka vart handsama på Regionrådet sitt møte 19. september som sak 20/17. I dette møtet vart ein ikkje samde om ein felles tilråding for kommunane i Regionrådet og saka vart teken til vitande.

Alver kommune

Denne saksutgreiinga med tilråding er lik for dei tre kommunane som skal bli Alver kommune.

Etter inndelingslova har Alver kommune høve til å ta stilling til om dei vil vere ein del av dette og andre interkommunale samarbeid i samband med kommunesamanslåinga. I praksis inneber dette at Radøy, Meland og Lindås kan melde seg ut av samarbeidet når ein blir Alver kommune.

Økonomi

I rapporten «Brannsamarbeid i bergensregionen – En tryggere hverdag» er økonomi omtala på side 25 til 26. I tabellen går det fram kva kostnadene aukar med i høve alternativet «Alt fortsetter som i dag». Desse tala er lagt inn i tabellen nedanfor for Radøy, Meland og Lindås.

Brannsamarbeidet isolert i ny ordning kostar 5 millionar kroner. I tabellen nedanfor er det vist kostnad for Radøy, Meland og Lindås med fordelingsnøkkel 20 % likt pr. kommune og 80 % etter innbyggartal.

Differansen mellom desse tala skyldas endring i fordelingsnøkkel frå dagens organisering av IUA og 110-sentral til det nye Vest brann- og redningsregion.

Kommune	Endring i kostnad frå dagens modell med IUA og 110-sentral til samla organisering i Vest brann- og redningsregion. (Kr.)	Brannsamarbeidet sin del av totalkostnad knytt til Vest brann- og redningsregion i ny modell. (Kr.) *
Radøy	111 000	71 000
Meland	101 000	94 000
Lindås	77 000	154 000

* Grunnlaget for berekninga er folketal pr. 01.01.17. Totalkostnaden for brannsamarbeidet er 5 millionar kroner og fordelingsnøkkel er 20 % likt pr kommune og 80 % etter innbyggjartal.

Vurdering

Det er mange gode fagmiljø i heile fylket. Sidan mange av desse fagmiljøa er små vil ein kunne oppleve at kompetansen har ulikt nivå på ulike fagfelt. Målet med dette samarbeidet er å trekke ut spisskompetanse frå alle fagmiljø for å dele og styrke alle fagmiljø på områder som kan forbetrast. Her vil alle brann- og redningstenester i fylket både kunne bidra og ta i mot.

Brannsamarbeidet gjeld fire område:

- Brannførebygging
- Brann- og redningsberedskap
- 110-sentralen
- IUA

De to siste punkta er samarbeid som eksisterer i dag om som vil bli lagt inn i dette IKS'et i ny organisering utan endringar.

Når det gjeld brannførebygging har Nordhordland allereie eit samarbeid. Her er følgjande kommunar med; Gulen, Lindås, Meland, Radøy, Austrheim, Modalen, Masfjorden, Fedje og Solund. Dette er et samarbeid som fungerer godt i dag og som kan fortsette innanfor ramme av Vest brann- og redningsregion.

Kommunane Austrheim, Radøy, Meland og Lindås ønskjer å etablere eit felles interkommunalt

brann- og redningsselskap der også Modalen er inkludert. Dette er et viktig samarbeid å få på plass både knytt til beredskapen, spesielt i den nordre delen av disse kommunane og for på ein effektiv måte imøtekomme nye krav om 100 % stillingar i leiande stillingar. Vest brann- og redningsregion vil vere eit godt supplement til dette samarbeidet.

Det er gjort endringar med omsyn til organisering, omtala ovanfor, etter dei innspela som kom i prosessen. Dette er endringar som vil vere med å sikre god styring og involvering.

Proessen som er skildra ovanfor under eiga overskrift har ikkje vore så god som ein kunne ønskje frå kommunane i Nordhordland. Dette skyldas først og fremst at andre regionar i Hordaland ikkje hadde vesentlege innspel til det som var framlagt og difor ønskte seg ein raskare framdrift fram til etablering og arbeid med ein samarbeidsavtale etter det.

Den største utfordringa ved eit samarbeid som omfattar så mange kommunar som i dette samarbeidet er balansegangen mellom sterk styring som rask gir resultat og involvering av alle kommunane for å sikre at alle det vert tatt omsyn til alle. Modellen som er vald legg større vekt på involvering enn på styring. Dette kan føre til utfordringar knytt til om samarbeidet leverar dei resultatata ein ønskjer.

Sidan ekstra kostnaden med å delta i samarbeidet er relativt liten dei tre første driftsåra og samarbeidet er organisert som eit samarbeid mellom sjølvstendige brann- og redningstenester er det vanskeleg å sjå ein stor nedside ved å delta i samarbeidet.

Om det syner seg at samarbeidet ikkje leverar resultat kan Alver kommune melde seg ut av samarbeidet i løpet av 2020 i medhald av lov av 15. juni 2001 nr. 70 om fastsetting og endring av kommune- og fylkesgrenser (inndelingsloven).

Rådmannen sitt framlegg til vedtak:

1. Radøy kommune inngår som medlem i Vest brann- og redningsregion
2. Radøy kommune sluttar seg til vedtektene for samarbeidet
3. er Radøy kommune sin årsmøtorepresentant for gjeldande kommunevalperiode
4. Radøy kommune gir Bergensalliansen fullmakt til å velje eit interimsstyre for Vest brann- og redningsregion som skal fungere inntil ordinært styre vert vald av det første ordinære årsmøtet
5. Melding om vedtak vert sendt sekretariatet til Bergensalliansen
6. Første driftsåret vert det lagt til grunn at budsjettet skal vere på fem millionar kroner. Dei to neste driftsåra skal budsjettet berre justerast for pris- og lønsvekst
7. Den økonomiske konsekvensen av å tre inn i samarbeidet vil bli handtert i arbeidet med årsbudsjett og økonomiplan 2018 – 2021.

Vedlegg:

Brannsamarbeid i bergensregionen _ Rapport

Vedtekter april 2017

Radøy kommune

Saksframlegg

Saknr	Utval	Type	Dato
062/2017	Formannskapet i Radøy	PS	19.10.2017
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Sveinung Kvamme	17/1061	17/12161

Tertialmelding januar - august 2017

Saksopplysingar:

Bakgrunn

Rådmannen legg med dette fram tertialmelding for perioden januar – august 2017, jf vedlagt dokument.

Rådmannen sitt framlegg til vedtak:

Tertialmeldinga vert teken til orientering.

Vedlegg:

Tertialrapport_2017_T2

Radøy kommune

Saksframlegg

Saknr	Utval	Type	Dato
063/2017	Formannskapet i Radøy	PS	19.10.2017
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Sveinung Kvamme	16/1186	17/12224

Budsjettregulering

Saksopplysingar:

Bakgrunn

I tertialmelding for perioden januar – august 2017 vert det kommentert trong for budsjettregulering på nokre område.

Drift Skjema 1A og 1B	
Sum fordelt til drift (1A)	955.000
Meir/mindreforbuk (1A)	-955.000
Helse og omsorg (1B)	+ 955.000
Sum skjema 1B	+ 955.000

Innan barnevernet har fleire akutt plasseringar og andre tiltak ført til trong for auka løyvingar. Det er først og fremst kostnader til fosterheimar og besøksheimar som aukar, men det er også trong for auka midlar til kjøp av tenester frå private institusjonar. På den andre sida er det redusert omfang iht kjøp av statlege plassar. Samla trong for auka løyving til barnevernet er kr 955.000.

Rådmannen vurderer dette som rett prioritering, reduksjon av dyre plassar i statlege tiltak, og auka bruk av besøksheim og fosterheim. Rådmannen kan ikkje finna innsparingar til å dekkja desse nødvendige meirkostnadene, og må difor rå til at saldering blir gjort ved reduksjon av mindreforbruket i 2017.

Investering, skjema 2A og 2B:

Investering skjema 2A og 2B	
Bruk av lån (2A)	54 813 000
Bø barnehage (2B)	-27 000 000
Solhall kjøp av bygg	-11 813 000
Renseanlegg Manger (2B)	-15 000 000

Turveg Manger (2B)	-1 000 000
Netto endring	-

Bø barnehage: Forum Arkitekter har utarbeidd anbudsokument for den nye barnehagen, og arbeid med reguleringsplan for området startar i desse dagar. Byggearbeid startar først i 2018, og rådmannen ber om at budsjettet vert redusert med 27 mill. Det vil då stå att 1,1 mill til arkitekt mv. i 2017.

Turveg Manger: Del to av løypa var ferdig prosjektert i vår, men vart i første runde forsinka i påvente av dispensasjon frå Statens Vegvesen, fordi turvegen ligg mindre enn 50 m frå fylkesveg. Prosjektet vert lyst ut under føresetnad av at det vert gitt byggeløyve. Sjølv om det vil kunne inngåast kontrakt før årsskiftet, er det grunn til å tru at mesteparten av arbeidet vert utført i 2018. Rådmannen ber difor om at løyvinga vert redusert med 1 mill, slik at det står att 1 mill til kostnader i 2017.

Solhall kjøp og oppgradering

Kommunestyret gjorde i september vedtak om å kjøpa Solhall frå Helse Bergen. Av ulike årsaker ønskjer Helse Bergen å overdra eigeidomen først i 2018. Budsjettet må difor justerast ned tilsvarande kjøpesummen. Samstundes ønskjer rådmannen at det står att kr 1.000.000 til arkitekt og eventuelle oppgraderingar som blir gjort i 2017.

Reinseanlegg Manger: Lokalisering av anlegget er avklart, og det er inngått avtale om kjøp av grunn på Manger kai, under føresetnad av at kommunen får naudsynte løyve til å gjennomføra prosjektet på ønska tomt. Tiltaket krev reguleringsplan. Oppdrag med utarbeiding av reguleringsplan er tildelt, og høyringsutkast skal vera klart i desember. Arbeidet vil ikkje bli starta før reguleringsplan er ferdigstilt og godkjent, og byggearbeid vil såleis ikkje starta i 2017. Dette påverkar også gjennomføring av andre avløpsprosjekt på Manger: sanering Mangervågen, nye leidningsnett Mangervågen og ny pumpestasjon. Rådmannen ber difor om at løyving til avløpsprosjekt vert redusert med 15 mill. Det står då att 3,4 mill til kostnader som kjem på i 2017.

Samla gir dette redusert trong for bruk av lånemidlar på 54,813 mill i 2017. Låneopptak er gjennomført i samsvar med tidlegare budsjett, men førebels er berre 20 mill utbetalt. Rådmannen vil løpande vurdera trong for utbetaling av ytterlegare lånemidlar i 2017.

Rådmannen sitt framlegg til vedtak:

Budsjett for 2017 vert regulert i samsvar med skjema 1 og 2:

Drift Skjema 1A og 1B	
Sum fordelt til drift (1A)	955.000
Meir/mindreforbuk (1A)	-955.000
Helse og omsorg (1B)	+ 955.000
Sum skjema 1B	+ 955.000

Investering skjema 2A og 2B	
Bruk av lån (2A)	54 813 000
Bø barnehage (2B)	-27 000 000

Solhall kjøp av bygg	-11 813 000
Renseanlegg Manger (2B)	-15 000 000
Turveg Manger (2B)	-1 000 000
Netto endring	-

Radøy kommune

Saksframlegg

Saknr	Utval	Type	Dato
064/2017	Formannskapet i Radøy	PS	19.10.2017
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Sveinung Kvamme	17/764	17/12054

Felles løns- og rekneskapskontor for Lindås, Meland og Radøy

Saksopplysingar:

Bakgrunn

I 2015 starta eit prosjekt for å sjå på om det var grunnlag for eit felles løns- og rekneskapskontor for Lindås, Radøy og Meland. Prosjektet har vore eit utviklingsprosjekt, men sikte på å implementere felles elektroniske verkty og rutinar i dei tre kommunane. Prosjektet starta opp før det var fatta vedtak om kommunesamanslåing i dei tre kommunane. Når det vart vedteke samanslåing av Meland, Radøy og Lindås, vart målet for prosjektet endra frå å «Levere eit beslutningsunderlag til rådmennene (styringsgruppa) for etablering av eit felles lønns- og rekneskapskontor for Radøy, Meland og Lindås med Lindås kommune som vertskommune frå 01.01.2017.» til å «Etablere eit felles løns- og rekneskapskontor for Radøy, Meland og Lindås med Lindås kommune som vertskommune frå 01.08.2018.».

Styringsgruppa består av dei tre rådmennene i Meland, Radøy og Lindås. Prosjektgruppa består av økonomisjefane i dei tre kommunane, avdelingsleiar for løn- og rekneskap i Lindås og ein HTV som er valgt av dei tilligsvalgte for å representere alle dei tre kommunane. Dei tilsette på løns- og rekneskapsavdelingane i dei tre kommunane har vore med på å utarbeide mal for kva verkty som skal nyttast ved det nye kontoret. Det er dei tilsette som står for implementering av dei elektroniske verktya og opplæring av organisasjonane i bruken.

Framlegg til organisering av samarbeidet har vore drøfta med dei tillitsvalgte i dei tre kommunane. Styringsgruppa, bestående av rådmennene i dei tre kommunane, vurderer at eit nytt felles løns- og rekneskapskontor bør organiserast etter kommuneloven §28 -1b, administrativt vertskommunesamarbeid.

Heimel for samarbeid, kommunelova § 28-1 b):

1. En kommune (samarbeidskommune) kan avtale med en annen kommune (vertskommune) at vertskommunen skal utføre oppgaver og treffe avgjørelser etter delegert myndighet fra samarbeidskommunen i enkeltsaker eller typer av saker som ikke er av prinsipiell betydning.

2. Bestemmelsen i nr. 1 gjelder tilsvarende for vertskommunesamarbeid mellom fylkeskommuner.

3. Delegasjon av myndighet som nevnt i nr. 1 skjer ved at kommunestyret eller fylkestinget selv gir instruks til egen administrasjonssjef om delegasjon til administrasjonssjefen i vertskommunen.

4. Folkevalgte organer i vertskommunen har ikke instruksjons- eller omgjøringsmyndighet der delegasjon er skjedd i samsvar med nr. 3.

5. En samarbeidskommune kan gi vertskommunen instruks om utøvelsen av den delegerte myndighet i saker som alene gjelder samarbeidskommunen eller berørte innbyggere.

6. For vedtak vertskommunen treffer etter delegasjon fra en samarbeidskommune, har samarbeidskommunen samme omgjøringsmyndighet som etter forvaltningsloven § 35 første ledd.

Kommunelova § 28-1 e. Samarbeidsavtalen

1. For et vertskommunesamarbeid skal det opprettes en skriftlig samarbeidsavtale. Avtalen vedtas av kommunestyret eller fylkestinget selv. Endringer i avtalen som gjelder forhold som omtalt i nr. 2 og 3, skal skje på samme måte.

2. Samarbeidsavtalen skal inneholde bestemmelser om:

- a) angivelse av deltakerne og hvilken av disse som er vertskommunen,
- b) hvilke oppgaver og hvilken avgjørelsesmyndighet som skal legges til vertskommunen,
- c) tidspunkt for overføring av oppgaver og avgjørelsesmyndighet,
- d) underretning til deltakerne om vedtak som treffes i vertskommunen,
- e) det økonomiske oppgjøret mellom samarbeidskommunene og vertskommunen,
- f) nærmere regler for uttreden og avvikling av samarbeidet,
- g) annet som etter lov krever avtale.

3. I avtale om vertskommunesamarbeid med felles nemnd skal avtalen også inneholde bestemmelser om antall representanter i nemnda fra den enkelte deltaker.

4. I et vertskommunesamarbeid mellom kommuner skal vertskommunen orientere fylkesmannen om etableringen av samarbeidet. I et vertskommunesamarbeid mellom fylkeskommuner skal vertskommunen orientere departementet om etableringen av samarbeidet.

Rådmannen sitt framlegg til vedtak:

1. Nytt felles løns- og rekneskapskontor vert organisert som administrativt vertskommunesamarbeid etter kommuneloven §28 -1b mellom Lindås, Meland og Radøy med Lindås kommune som vertskommune. Det nye felles kontoret trer i kraft frå 01.08.2018.
2. Kommunestyret instruerer rådmannen til å delegere mynde til rådmannen i Lindås kommune.
3. Kommunestyret vedtek samarbeidsavtalen mellom Lindås, Meland og Radøy.

Vedlegg:

Samarbeidsavtale løn og rekneskap

Drøfting av notat om prosess felles løn og reknekap Lindås Meland Radøy. 07/9 2017

Radøy kommune

Saksframlegg

Saknr	Utval	Type	Dato
065/2017	Formannskapet i Radøy	PS	19.10.2017
	Kommunestyret i Radøy	PS	

Sakshandsamar	Arkivsaknr.:	Dokumentnr.:
Rolf Raknes	16/162	17/11392

Plansak 12602016000100 - Kommunedelplan Bø - Planframlegg for vedtak om høyring og offentlig ettersyn

Saksopplysingar:

Bakgrunn

I planstrategien for Radøy kommune 2012-2016 vart områdeplan for Bøvågen sett opp med oppstart i 2012. Slik områdeplan vart starta opp og planforslag vart lagt ut til offentlig ettersyn og høyring. Etter høyring vart det vedteke å gjere om plantype til kommunedelplan.

I planstrategi for perioden 2016 til 2020 er planlegginga vidareført som kommunedelplan for Bø.

Områdeplan:

24. januar 2013 vart det invitert til oppstart av planarbeid på Bø og bygdemøte med annonse i lokalavisa Strilen og på kommunen si heimeside. 5. februar 2013 vart det skipa til bygdemøte på skulen og det møtte ca. 30 personar. Formell oppstart av planarbeidet vart varsla 9. august 2013 med frist for innspel 1. oktober 2013. I samband med høyring av områdeplanen vart det arrangert bygdemøte på Hordabø skule 5. Mai 2015. Den 22. April 2015 vart det annonsert vedtak om offentlig høyring og ettersyn av planframlegg for områdeplan. Det kom inn 33 merknader til planframlegget. Desse merknadene er kartlagt og tatt med i arbeidet med framlegg til kommunedelplan.

Kommunedelplan:

Etter omgjerding av plantype vart det 14. April 2016 varsla oppstart av kommunedelplan for Bøvågen I samband med kunngjering av oppstart av planarbeid 14. April 2016 vart det samstundes kunngjort offentlig høyring og ettersyn av framlegg til planprogram for kommunedelplan Bø. Det kom inn 6 merknader til oppstart/planprogram for kommunedelplanen. Fleire endringar blei gjort i planprogrammet før det vart endeleg vedteke i kommunestyret 8. Desember 2016. (Sak 069/2016)


Vurdering

I samsvar med vedteke planprogram er det utarbeidd nytt plankart, føresegner og planskildring i

samsvar med ny plantype. Planframlegg er no i tråd med kartforskrifta og tema etter standard for kommunedelplan i SOSI 4.5.

Det er gjennomført analyse av funksjonell strandsone, slik det vart kravd i merknad og i planprogram.



Strandsoneanalyse vart gjennomført i samarbeid med Asplan Viak ved Karianne Eriksen og Guro Steine. Arbeidet vart avslutta med leveranse av eigen rapport for kartlegging av funksjonell strandsone.



Strandsoneanalyse er lagt til grunn for arealbruk og definering av byggegrense mot sjø og vassdrag. Analyse har gjeve gode data for «grøne» areala i strandsona. I arealplankartet er det nytta

Naturområde (NA) og Landbruk, natur og Friluftslivområde (LNF) der det er verdifulle grønne areal i strandsona.

I samband med utarbeiding av nytt plankart er innspela (33) frå områdeplanarbeidet teke med i vurderingane. Innspela er registrert i kommunen sitt kart, Nordhordlandskart, og vidare gjort tilgjengeleg via WMS inn i produksjonsverktøyet for den digitale planen (GISline). På denne måten er innspela visualisert direkte i arealplankartet som eit nyttig verktøy i arbeidet med kommunedelplanen.



Skjermbilete frå arbeidet med innspel i kart

I det vidare arbeidet med arealplankartet er det teke utgangspunkt i hovudstrukturen som vart lagt fram i forslag til områderegulering. Ein kommunedelplan kan ikkje vera like detaljert som ein reguleringsplan. Det er likevel forsøkt å etablere ein detaljert arealbruk. Gjennom høg detaljeringsgrad i kommunedelplanen vil det vere mogeleg å avløyse eldre reguleringsplanar som i dag gjev ei uoversiktleg og uklare plansituasjon for området. Dette er omtala i planbeskrivelsen til planframlegget.

Kommunedelplanen opna nye utbyggingsområder for bustad i B03, B04, B10 og B11. Dei nye bustadområda er bandlagt for detaljregulering.

For sentrum og skule/barnehageområdet er det krav til felles detaljplan for nye tiltak. Felles detaljplan for sentrumsføremåla er lagt inn for å sikra ei heilskapleg planlegging ved reformasjon/revitalisering av sentrum på Bø, frå kaien og opp til hovudvegen. Felles plan for skule og barnehageområdet skal sikra heilskapleg og tenleg arealbruk i dette området. Det er vedteke at det skal byggast ny kommunal barnehage i området. Som eit ledd i dette prosjektet vil kommunen utarbeide ny reguleringsplan.

I dei områda der eldre reguleringsplan vert oppheva vil det vera kommunedelplanen sin arealbruk og føresegner som gjeld. Kommunedelplanen opnar for noko fortetting i eksisterande bustadområder, B01 til B02, B05 til B09 og B12 til B17.

I strandsona er det lagt inn naustføremål for eksisterande naust som står på frådelt eigedom, samt nokre ubygde frådelt nausttomter. For naust som høyar til gardsbruk er det lagt inn LNF føremål. Å nytte naustføremål i desse områda vil opna for frådeling av naust frå garsabruk og vil ikkje vere tenleg. I tillegg til naustføremål er det sett av fleire fellesområde i sjø for småbåthamn og tilhøyrande areal på land for å leggje til rette for tilgang til sjø for innbyggjarane i tettstaden

Det er sett av naudsynt areal til framtidig utvikling av infrastruktur som veg og fortau.

Kring eksisterande bustader i LNF-område er det lagt inn LNF-spreidd bustadføremål for å unngå dispensasjonssaker ved tiltak på eksisterande bygg og bygd eigedom.

Det er lagt inn næringsføremål for dei områda som har eksisterande næringsverksemdar. Næring inngår også i det nye sentrumsføremålet. I sentrum skal det kunna kombinerast mellom næring og tenesteyting, og bustad frå 2. høgda.

Det er sett av noko meir areal omkring Bø kyrkje (o_K01) for å sikre framtidig utviding.

Området omkring Bøtjønn er planlagt til naturområde med mogelegheit for etablering av tursti.

Det er lagt inn omsynsonar for bevaring av kulturmiljø/kulturminne og naturmiljø. Det same gjeld for støysone langs fylkesvegen. Støysona og byggjegrænse mot fylkesveg er nærmast samanfallande.

Konklusjon

Rådmannen vurderer at framlegg til kommunedelplan for Bø 2017 er godt gjennomarbeid og rår til at det vert lagt ut til offentleg høyring og ettersyn. Planen er detaljert nok til å styre arealbruken i områda der det i dag gjeld eldre, neste utbygde reguleringsplanar. Samstundes opnar planen for nye bustadområde og støttar opp om ei revitalisering av sentrum/tettstaden på Bø.

Rådmannen sitt framlegg til vedtak:

Radøy kommunestyre vedtek i samsvar med reglane i Plan og Bygningslova §11-14 å leggja ut planframlegg til kommunedelplan for Bø 2017 (PlanID: 12602016000100) med plankart, føresegner og

planskildring, til offentlig høyring og ettersyn.

Radøy kommunestyre vedtek samstundes i samsvar med reglane i Plan og Bygningslova §12-14 å leggja ut til offentlig høyring og ettersyn framlegg om oppheving av reguleringsplanane:

- (PlanID: 12602010000700) Bø reguleringsendring
- (PlanID: 12601987000100) Krossneset
- (PlanID: 12601994000100) Nordbø
- (PlanID: 12601988000100) Bøvågen bustadfelt (del av)
- (PlanID: 12601973000200) Bøvågen

Grunngjevinga for vedtaket går fram av saksutgreiinga.

Vedlegg:

Planframlegg_06102017_Plankart_KDPL_Bø_Lres

Planframlegg_06102017_Planskildring_KDPL_Bø

Planframlegg_06102017_Planføresegner_KDPL_Bø

Kartlegging av funksjonell strandsone i kdp for Bøvågen i Radøy

Radøy kommune

Saksframlegg

Saknr	Utval	Type	Dato
066/2017	Formannskapet i Radøy	PS	19.10.2017

Sakshandsamar	Arkivsaknr.:	Dokumentnr.:
Arthur Kleiveland	17/1943	17/12074

Høring - Investeringsprogram for fylkesvegnettet til RTP 2018-2029

Saksopplysingar:

Bakgrunn

Fylkestinget vedtok i juni 2017 Regional Transportplan Hordaland (RTP) for perioden 2018-2029. Fylkeskommunen har no lagt fram eit forslag til Investeringsprogram for fylkesvegnettet i RTP for same periode. Investeringsprogrammet for fylkesvegnettet er ein handlingsplan for å følgja opp mål, strategiar, prioriteringar og bindingar i RTP 2018-2029.

Statens vegvesen har for første gong utarbeidd strekningsvise utgreiingar. Dei strekningsvise utgreiingane er Statens vegvesen si faglege tilråding om framtidige tiltak på det overordna fylkesvegnettet. Dei strekningsvise utgreiingane kan vera grunnlag for strategiske diskusjonar og avgjerder. Prioritering av konkrete tiltak på vegnettet skal gjerast i samband med utarbeiding og revisjon av Regional Transportplan 2018 – 2029 og dei årlege budsjettvedtaka.

Det overordna fylkesvegnettet er delt inn i strekningar. Strekning 6 omhandlar Nordhordland, og utgreiinga tar for seg status og utfordringar. Her er det gjort ei vurdering av dagens standard på alle vegar som inngår i strekninga. Vidare er behov for tiltak for å gi tilstrekkeleg trafikktryggleik og framkomst på vegane vurdert og presentert. Behov vert skildra på eit overordna nivå og utgreiinga konkluderer med ei tilråding på kort og lang sikt.

Formannskapet og kommunestyret har ved fleire høve i år sett samferdslespørsmål på dagsorden. Kommunestyret hadde 9. februar 2017 ei drøftingssak om aktuelle samferdselsutfordringar for Radøy kommune, med følgjande behandling og vedtak:

Kommunestyret i Radøy – 005/2017

KS – handsaming:

Ordføraren orienterte om bakgrunnen for drøftingssaka om aktuelle samferdselsutfordringar og han oppmoda kommunestyret å finna fram til ei mest mogleg samlande løysing som kan sendast over til Nordhordlandspakken AS og til nabokommunane til uttale. Han peika på at det er større sjanse til å få noko til dess større semje det er.

Sivilingeniør Helge Hopen har på oppdrag frå Radøy kommune utarbeidd eit notat om Radøy sine moglege vegval vidare. Han presenterte vurderingane og tilrådingane sine i kommunestyret, og kommunestyret hadde ei lengre drøfting om behov og prioriteringar på samferdselssektoren.- Fv. 411 fra eksisterende

*David Pletten Aasgard (KrF) meiner det i samband med ny fylkesvegen Marås-Soltveit er heilt avgjerande å få skikkeleg avkjørske til Sletta frå nye fv. 565 med i planen og i Nordhordlandspakken. Pletten Aasgard sette fram følgjande tilleggsframlegg:
- Fv 411 frå eksisterande fv 565 til krysset på nye fv 565 må med i Nordhordlandspakken.
- Fv 411 frå krysset på ny fv 565 til Manger/Ishusflaten må med i Nordhordlandspakken.*

Kenneth Taule Murberg (H) meiner det er fornuftig å trekkja "bru frå Radøy til Meland med tilførselsvegar" ut av Sambandet Vest og la det bli ein del av Nordhordlandspakken. Han fekk også avklara at han som styremedlem i Sambandet Vest AS har kommunestyret si støtte for å jobba for å trekkja ut "bru mellom Radøy og Meland - med tilførslevegar" ut av Sambandet Vest.

*Taule Murberg sette fram følgjande framlegg:
Radøy sin vegstrategi - med dei tillegga som kom fram i møtet, blir oversendt Nordhordlandspakken AS og eventuelt nabokommunane for vurdering og uttale. Vidare blir det gjort ei konsekvensutgreiing av ein større auke av pakken.
Kvart vegprosjekt må nøye vurderast i eit kost/nytte-perspektiv og prioriterast i eit regionalt perspektiv.
Ordførarane i Radøy, Meland og Lindås får i oppdrag å søkja departementet om ytterlegare planmidlar til "bru mellom Radøy og Meland" frå regjeringa si tilskotsordning for kommunar som slår seg saman.*

*Taule Murberg sette fram følgjande sekundærframlegg:
Radøy Høgre ønsker "bru til Bognøy", inklusiv tilførselsvegar, som ei "prioritet 1-sak".*

*Normann Sæbø (H) sette fram følgjande tilleggsframlegg:
Det må utarbeidast reguleringsplan for Sambandet Vest-prosjektet "bru mellom Radøy og Holsnøy med tilførselsvegar" samtidig med resten av prosjekta i Nordhordlandspakken.*

Leif Taule (SP) er tilfreds med hovudlinjene som er trekte opp i notatet frå sivilingeniør Helge Hopen. Taule sette fram følgjande tilleggsframlegg:

Nytt strekpunkt under "Prioriterte samferdselsprosjekt - Prioritet 1":

- Utbetringstiltak fv 411 Tveiten-Haukås-Mellingen

Nytt strekpunkt under "Prioritet 2":

- Vegutbetring for fv 411 Tveiten-Haukås-Mellingen

Tillegg under "organisering - tilråding": - samt for Tveiten - Haukåsen - Mellingen

Ordførar Jon Askeland sa i si oppsummering at det har vore ein god debatt med realisme om kva som er mogleg å få til. Han peika på at det er viktig å ha planar klare for å få fylkeskommunale midlar til utbetringstiltak på t.d. vegstrekninga Kolstad-Manger-Bø-Soltveit.

*Ordføraren sette på bakgrunn av debatten og forslag fram følgjande fellesframlegg til vedtak:
Formannskapet arbeidar vidare med saka og utarbeidar ei endeleg prioriteringsliste for tiltak på samferdselssektoren på bakgrunn av formannskapet si tilråding og med dei tillegg som vart sett fram*

i debatten i kommunestyret (KrF, H, SP).

Kommunestyret ber om at denne prioriteringa vert sendt til Nordhordlandspakken AS og til nabokommunane Lindås og Meland.

Kommunestyret gjev ordføraren fullmakt - saman med ordførarane i Meland og Lindås, til å senda søknad om ytterlegare planmidlar i 2017 for vegprosjektet Radøy-Holsnøy frå kommunereform-midlane.

Kommunestyret vedtok samrøystes ordføraren sitt framlegg til vedtak. Saka vart følgd opp i formannskapet 23. februar – sak 012/2017:

Formannskapet gjorde samrøystes følgjande vedtak:

Etter kommunestyret si handsaming i saka, prioriterer formannskapet slik:

Ordføraren følgjer opp overfor SVV/Fylkeskommunen, og melder særleg at Radøy kommunestyre vurderer flytting av arm til Manger til å gå mellom Namtveit og Kolstad som best.

Formannskapet etterlyser eigarmøte i Sambandet Vest, slik at plan- og reguleringsarbeid for samband mellom Radøy og Holsnøy kan prioriterast.

Formannskapet ber ordføraren spørja SVV/Fylkeskommunen til råds om korleis ein skal planleggja prioriteringane på fylkesvegane,- skal me laga heilskapleg plan, eller punktvisе utbetringar.

VURDERING

På bakgrunn av at det i 2017 har vore politiske drøftingar og vedtak i fleire omgangar i saker knytt til samferdselsutfordringar/prioriteringar på fylkesvegnettet, legg rådmannen ikkje fram noko framlegg til uttale i høyringssak om investeringsprogram for fylkesvegnettet til Regional Transportplan for 2018-2029.

Rådmannen sitt framlegg til vedtak:

Radøy kommune har følgjande uttale til «Høyring - Investeringsprogram for fylkesvegnettet til Regional transportplan Hordaland 2018 – 2029:

.....
.....
.....

Vedlegg:

hoyringsbrev-til-investeringsprogrammet

forslag-til-investeringsprogram-for-fylkevegnettet-til-rtp-hordaland-2018-2029

Strekningsvise utgreiingar Nordhordland

Drøftingssak - aktuelle samferdsleutfordringar Radøy kommune (L)(117531)

Prioritering av tiltak på samferdselssektoren - FS 23_febr_2017

Radøy kommune

Saksframlegg

Saknr	Utval	Type	Dato
067/2017	Formannskapet i Radøy	PS	19.10.2017

Sakshandsamar	Arkivsaknr.:	Dokumentnr.:
Arthur Kleiveland	17/1938	17/12034

Meldingar og referatsaker

Saksopplysingar:

Det vert lagt fram følgjande meldingar og referatsaker:

- a. Planar for Tjorehagen – innspel frå arbeidsgruppa for Folkemuseum og folkekultursenter
- b. Folkemuseum/folkekultursenter i Tjorehagen – skriv Jon Eikemo
- c. Folkemuseum og kultursenter – innspel frå Jostein Tjore
- d. Planar om folkemuseum i Tjorehagen – modell – innspel frå Arne Høyland
- e. Planar for Tjorehagen – svar frå ordførar Jon Askeland
- f. Folkekultursenter – støtte til planar – Radøy Kunst Senter v/Roger Gjerstad
- g. Stortingsvalet 2017 – valstyret protokoll
- h. Innfartsparkering – skriv Hordaland fylkeskommune
- i. Normalpolitivedtekt – høringsbrev
- j. Forslag til normalpolitivedtekt
- k. NGIR – framdriftsplan knytt til RenoNorden-konkursen
- l. Regionrådet . protokoll 19. september 2017
- m. Interkommunal plan for sjøareal – prosjektplan – organisering – regionrådet
- n. Moglegheitsstudie Nordhordland brann og redning – rapport – regionrådet
- o. Biosfæreprosjektet – status – regionrådet 19. sept. 2017
- p. Fedje-ubåt - U864 – Salvage prosjekt – regionrådet
- q. Velferdsteknologi-prosjektet – infoskriv – regionrådet
- r. Lokal forskrift frå mindre avløpsanlegg – melding om oppstart
- s. Forskrift lokale avløpsanlegg
- t. Opprydding av spreidd avløp – DHIVA IKS
- u. Vassforvaltinga i kommunen for å nå miljømåla
- v. Fellesnemnda for Alver kommune – møtebok 2. oktober 2017
- w. Mulegheitsstudie Manger – orientering
- x. Orientering v/rådmann og ordførar

Rådmannen sitt framlegg til vedtak:

Meldingar og referatsaker vert tekne til orientering

Vedlegg:

Planar for Tjorehagen - innspel frå Arbeidsgruppa for Folkemuseum og Folkekultursenter for Nordhordland

Folkemuseum og folkekultursenter i Tjorehagen - brev frå Jon Eikemo juni 2017

Folkemuseum og kultursenter i Tjorehagen - innspel Jostein Tjore

Planar om folkemuseum i Tjorehagen - innspel frå Arne Høyland

Planar for Tjorehagen - svar frå ordførar Jon Askeland

Folkekultursenter - støtte frå RKS

Protokoll valstyret Stortingsval 2017(139885)

Innfartsparkering - brev Hordaland fylkeskommune

Normalpolitivedtekt_Høyringsbrev 11.09.2017

Forslag til ny normalpolitivedtekt - Nynorsk

NGIR - framdriftsplan knytt til RenoNorden-konkurs

Regionrådet _ protokoll 19. september 2017

Interkommunal plan for sjøareal Prosjektplan - organisering - regionrådet

Mulighetsstudie Nordhordland brann og redning _ rapport - regionrådet

Nordhordland Brann og redning. Mulighetsstudie - rapport - regionrådet

Status Biosfæreprosjektet Regionrådet 19.09.17

U864 - Unitech - Salvage prosjekt _ regionrådet

Velferdsteknologiprojektet - informasjonsskriv _ regionrådet

Møtebok fellesnemnda 2_okt_2017

Melding om oppstart av revisjon av lokal forskrift om utslepp frå mindre avlau (L)(142216)

Forskrift_lokale_avlopsanlegg (L)(142146)

Informasjon om prosjektet opprydding av avløpsanlegg i spreidd busetnad 200617 (L)(142164)

Vassforvaltinga i kommunen for å nå miljømåla (L)(142151)

